

## **МЕЙІРЖАН ӘЛІБЕКОВ ПЕН НҰРГҮЛ ОҚАШОВАНЫң АЙТЫСЫ**

### **МЕЙІРЖАН:**

Ассалау мағалейкүм, Қызылжарым!  
Жоқ сенің ұлыңменен қызында мін.  
Бисмилла деп ал енді сөз бастайын,  
Бір Алла болғаннан соң сиынғаным.  
Біз бүгін Мағжан туған елге келдік,  
Ел жұрт деп аяамаған шыбын жанын.  
Сәбит пен Ғабиттердей ғұламалар,  
Қызылжар сен туғансың мұның бәрін.  
Барлығын айтатындау уақытым жоқ,

Білемін сан мықтының туылғанын.  
Қызылжар жас кезімнен таныс маған,  
Өзіңе арнайтұғын жырым мәлім.  
Петропавл егерде десе біреу,  
Кетеді көтеріліп қызу қаным.  
Армысындар, ата мен әжелерім,  
Ұмытпайтын салтпенен ырымдарын.  
Армысындар, болашақ жас жігіттер,  
Сабақтас болшақтың ұрымдары.  
Армысың, қаракөз қарындастар,  
Самал желге тербелген бұрымдары.  
Қызылжар, мен де сенің бір ұлыңмын,  
Айыбым өзге жерде туылғаным.  
Алып келдім Астананың ақ сәлемін,  
Қанеки естілсе еken шуылдарың.  
Мерейім асса еken деп Қызылжарда,  
Көрейін деп отырмын бұйырғанын.

Сарыарқа ен жайлаган құтты жерсің,  
Жайлаган бұл өлкені үтқыр елсің.  
Ағайын бір қол соғып қойыңыздар,  
Бұғіңгі мерейтойы құтты болсын!  
Және айтыс жасаған адамдарға,  
Ұрган шапалақтарың жұпты болсын.  
Наурыз той құтты боп, ақ мол болып,  
Желіні сиырынның сүтті болсын.  
Мерекесі болған соң бар қазақтың,  
Берекесі артсыншы түп-түгел шын.  
Қызылжардың атауын беретіндей,  
Биліктегі көкелер мықты болсын.  
Тілектері қабыл боп мұсылманның,  
Жүректері жастардың тұкті болсын.  
Қазағымның қасқа маңдай барлық ұлы,  
Мағжан Жұмабавтай рухты болсын.

Болмасын ақындардың жыры мұнды,  
Көрмесін елім менің түнілуді.  
Біз енді сұлу жаққа бұрылайық,  
Үйренгем сұлууларға үнілуді.  
Армысың, Нұргул деген ақын қызыым,  
Халыққа танытарсың бүгін үлгі.  
Көктем келіп Қызылжарға сен де кепсің,  
Іздеген жандар құсап білімінді.  
Екеміз көктемдегі қос қарылғаш,  
Қабылданадар қызың мен бір ұлынды.

Қарылғаш, уайымдама, ертең өзім,  
Сап беремін ұяңменен тұғырыңды.  
Сен олайша мысқылдал қарамағын,  
Жұлып алар жан құсап жұлынымды.  
Мен саған адал көзben бір қарайын,  
Қыз енді қаларм аекен құбылуды.  
Кекшетаудан алып келген қош иісің,  
Шіркін, жарып барады мұрынымды.  
Шіркін, сенің сәүкелен боп кетсем гой,  
Күнде сипап жататын бұрымыңды.  
Үгітіп сахнада бор секілді,  
Жылтытып жіберейін сұлуымды.  
Кешегі сал-серілер әдептері,  
Жастарға болып отыр бүгін үлгі.  
Түсемін сал-серінің тоқпағына,  
Ішемін қымыз қылып қылығыңды.

#### НҰРГУЛ:

Мейіржан сөзін арнады,  
Қалаймын одан мұдіріп.  
Шашыңды ііскеймін дедің бе,  
Қалмасын мұрының бұзылып.  
Отырганыңа мың алғыс,  
Қасиетімді ұғынып.  
Келе сала құс дедің,  
Маған қарап бұрылып.  
Күйлі шыққан бұқадай,  
Сілекейің шұбырып.  
Айтысамын деп Нұргұлмен,  
Айтыстан кетпе түніліп.

Нұргұлдің жасыратын сырғы болмас,  
Ақынның айтпайтығын шыны болмас.  
Халық пен ақын деген егіз ұғым,  
Бір-біріне айтылмас мұңы болмас.  
Ау, халқым, шапалақты соғындар – деп,  
Жігітім сұрап алды сырғы қонбас.  
Сен неге шапалақты сұрап алдың,  
Сұрап алған сыйлықтың құны болмас.  
Бисмилла, көрер сенім текті ел еді,  
Халқым менің жаныма от береді.  
Армысың, мен айтысқа келіп қалдым,  
Өнегем өздеріңмен өскен еді.  
Жасынан Мағжан жырын сүйіп оқып,  
Көңілдің маржан жырын кестеледі.

Қызылжар құт дарыған қыдыр мекен,  
Әу бастан өнегесі өскен еді.  
Алланың көзі дүрыс болса егер,  
Ұлыстың ұлсы құні құт келеді.  
Қалың елім құдыретіңе табынамын,  
Қағбаға бас ұргандай Меккедегі.  
Қызығыңмен белісуге қызың келсе,  
Қызылжарым өзегімнен теппе мені.

Алдында ағын су боп арқырадым,  
Алмастың жүзіндей бол жарқырадым.  
Ұмайдың тәрбиесін бойға жиып,  
Тұмардың жебесі бол тартыламын.  
Жаратқан қанатымды талдырмашы,  
Тобында сұңқар болып шарық ұрамын.  
Қос жанарым мәлдіреп мен де келдім,  
Асқақ әнім болсыншы жан шуағым.  
Жанашыр жұртым барда өздеріндей,  
Қалайша жат қолында жаншыламын.  
Армысың, Мейіржандай ақын жігіт,  
Тамшы жырың сенің де тасы жаның.  
Дос көңілмен досым деп сен отырсаң,  
Оныңа айта алмаймын қарсы шағым.  
Артық сөйлеп шамыма тиіп кетсең,  
Қара сөзбен мен сені қамшылармын.

Білемін, Мейіржандай серің барын,  
Өлеңменен танытқан өмір нәрін.  
Мен сені домалақ деп айтсам егер,  
Білемін жауап берер жерің барын.  
Арықтың қабырғасын санаши деп,  
Шықкан ғой бұрын сенің көніл дәнің.  
Домалап жарысқаннан мен женем деп,  
Мен оның білемін ғой бәрін-бәрін.  
Мен егер бочка менен точка десе,  
Сен табасың Мейіржан оның дәнін.  
Айнұрға айтқаныңды қайталасаң,  
Білмеймін не болады менің халім.  
Домалақ ананың құрсағынан,  
Домалап түсіп қалған Мейіржаным.

### **МЕЙІРЖАН:**

Ағайын ағып жатқан жайық па екен,  
Ақындар сонда жүзген қайық па екен.  
Шапалақ сұрап алдың деп айтасың,

Сахнадан орынымды ойып кетем.  
Ол Шымкеніттің қайсыпас баласымын,  
Құшағымды халыққа жайып кетем.  
Ұлы жүздің баласы ем айтыстағы,  
Жаубыңды қазір ақ қойып кетем.  
Дулаттың баласына шеттен келген,  
Арғындар қолын соқса айып па екен?

Додаға бұл Нұргұл қызы жарады ма,  
Сынайсың көкені де, ағаны да.  
Бұзылып қалмасын деп айтасың ау,  
Және менің қарайсың танауыма.  
Танауымның қадірін түсінерен,  
Танауым тақалғанда тамағыңа.

Айттың ба, жұрт алдында хабарлама,  
Өлең болып кетті ғой танау жаңа.  
Домалақ екенімді айта кеттің,  
Ойыңды білдіргендей маған дара.  
Көп ақындар тиіседі домалақ деп,  
Мен жауапты табамын оған жаңа.  
Мен сенің асынды жеп тойынғам жоқ,  
Сондықтан тиісіп отыр мағанда да.  
Домалақ деп айттар болса айтушы тек,  
Үйдегі асыраған анам ғана.

Құлатар сұлуларды жанарым дәп,  
Айтамын саған құрық саламын деп.  
Келіп ем Қызылжарға бір күн бұрын,  
Бұл қала жөнінде хабарым көп.  
Өзінді Қызылжарда қыдыртайын,  
Бұл қызыға көрсетейін дара құрмет.  
Бірақ сені көп жерге апармаймын,  
Қорқамын қарыз болып қалама деп.  
Ең бастысы қорқамын Нұргұл ақын,  
Иманымды әлсіретіп аламын деп.  
Парк-сити дегенге апарар ем,  
Бес уақыт оқитын намазым көп.  
«Рахмет» сауда үйіне апарар ем,  
Қалтамда бірақ артық қағазым жоқ.  
Бірақ сені апарам бірақ жерге,  
Оған да айтатұғын талабым көп.  
Қалтаға да қарасам, көнілге де,  
Колхозниға апарам амалым жоқ.

## **НҰРГУЛ:**

Ойбай-ау іскеймін дейді ме,  
Сөйлеме сөзін баланың.  
Бір түрлі маған қарайсың,  
Жәутендең алып жанарың.  
Қатты-қатты сөйлеме,  
Сіңілісіне Сараның.  
Қыдыртамын дейді және бұл,  
Қалтаңызға қарагын.  
Тойғанын білмес тоқтыдай,  
Тарпаңдай берме, қарагым.

Меріржан сөзінізге еліктірдің,  
Мен саған ниетіммен сеніп тұрмын.  
Қыдыртамын дедің ғой жаңа ғана,  
Осылай сөзін айттың берікті ұлдың.  
Қыдыртуға қолым да тимейд дедің,  
Айнып қалдың, несіне желіктірдің.  
Бес уақыт намаз деп сылтау айтып,  
Жалғандық сөздерінді серік қылдың.  
Намаз оқитынын жасырмайтын,  
Мұсылманды бірінші көріп тұрмын.

Домалақ деп айтып ем жаңа ғана,  
Жауап берген сөзіңе торып қалдық.  
Анам айтсын ол сөзді дедің жаңа,  
Бұл сөзді бұрын-соңды шолып қалдық.  
Шортандыда осылай айтып едім,  
Мейіржанның жауабынан қорықпалық.  
Көкшетауда осылай айтып едім,  
Жауырыннан сөзінді жонып барып.  
Әрбір сенің айтқан жауабынды,  
Қосылып айтатындей болып қалдық.

Мейіржан сенің жырларың,  
Жалғасар ма екен ғасырга.  
Жырларың сенің ұқсайды,  
Найзағай менен асылға.  
Тұлғаңыз анау нар биік,  
Кешегі Мәлік батыр ма?  
Қыдыртамын дейді бұл,  
Сөзінді бұлай асырма.  
Онсызда басым ауырып тұр,  
Бекерге сөйлеп Мейіржан,  
Басымды менің қатырма.

## **МЕЙІРЖАН:**

Ел-жұртқа жырдың құсын ұшырғанмын,  
Ағайын байқап отыр тұсымды әр мың.  
Жаттаған сөздерінді айтпа дейсің,  
Сахнада сурып сап түшінған кім?  
Мен саған сурып сап жауап бергем,  
Әйткені әр айтыста ысылғанмын.  
Намазды сылтауратпа деп айтасың,  
Ол дағы сөзі емес қой қысылғанның.  
Қарағым ешқашан да ұмытпағын,  
Намаз деген қорғаны мұсылманның.

Осылай бастап кеттің кімді ілгері,  
Сахнада томпақ қылдың мені.  
Әйтеуір сахнаға шыққан кезде,  
Домалақ деп арналар жырдың кәбі.  
Дағдарыстың кезінде олай айтпа,  
Ал енді бастайыншы жырды ілгері.  
Шарықтап тұрган кездे нан бағасы,  
Арықтап кетемін-ау бір күндері.

Мына қыз сахнада теңесті шын,  
Сен өзі сағымбысың, елеспісің.  
Шортандыны айтасың сахнада,  
Ізімнен қуып жүрген емеспісің.  
Кекшетауды айтасың сахнада,  
Бұл жерде келтіресің елесті шын,  
Ізімнен мына менің аңдып жүрген,  
Сен өзі КНБ-шник емеспісің.

Ағайын, бізді көріп еріп тұрсын,  
Дейсің бе сахнада неғып тұрсын.  
Осымен уақытта таяп қалды,  
Ақындар елді біраз желіктірсін.  
Жаппар Ием жаратқан өзі қолдап,  
Финалда сіздерменен жолықтырын.  
Осыменен тұрайық орындықтан,  
Уақытта келіп қалды көріп тұрсың.  
Нұргул-ау, екеуміздің жетпеген жерімізді,  
Қазылар отыз баллмен толықтырын.

## **НҰРГҮЛ:**

Томпағым менің, томпағым,  
Өзінді топта мақтаймын.  
Әр сөзіммен әлі де,

Дей алмаймын жасқаймын.  
Ренжітіп алам да,  
Артынан өзім қақсаймын.  
Бұртиған түрін қараңдар,  
Бұртитып бұлай жатпаймын.  
Томпағым мениң, томпағым,  
Өзіңнен артық таппаймын.

Сахнаға біздерге,  
Шығу деген ұлы сын.  
Мейіржан-ау ортада,  
Сөзімнің айтсам дұрысын.  
Танытпаши сен маған,  
Көңіліңнің қуысын.  
КНБ-шник дедің бе,  
Мынауың маған ұлы сын,  
Сахнадан кеткен соң,  
Өзіңмен болсын жұмысым.

**МЕЙІРЖАН:**

Біздерге арнайтұғын жырың бар-ау,  
Сырт жақта айтатұғын сырың бар-ау.  
Томпағым деп отырсың еркелетіп,  
Шамасы көніп қалған түрің бар-ау.

## **АМАНЖОЛ ЗАҒЫПАР МЕН НҰРГҮЛ ОҚАШОВАНЫҢ АЙТЫСЫ**

### **АМАНЖОЛ:**

Алдыңа шығып жатыр қаншама ұлдар,  
Дей алмаймын сіздерді шаршадыңдар.  
Соңғы жұп боп алдыңа шыға келдік,  
Онды жұп деп жұпарына тамсаныңдар.  
Махаббатпен келінінді ертіп келдім,  
Айқайлап қуанғаннан сан соғындар.  
Шапалағың шашу болып шашылсыншы,  
Шапағатпен келінді қарсы алыңдар.

Ағайын аққу ару жырдың гүлі,  
Құдай-ау жел тимеген кімнің гүлі.  
Қызылжар аққайыңың бұтағына,  
Келіп қонды Қызылорда бір бұлбұлы.  
Көкшетау деп аталған қырдың гүлі,  
Қорқыт қобыз сәйлеткен сырдың гүл.  
Жеті жылдай армандаған жүруші едім,  
Жеті нұрдай тараптады күннің нұры.  
Найза кірпік қызы екен аймандағылы,

Демінен жігіт түгіл шай қайнайды.  
Аманжол келінді әкелді деп,  
Ағайын қуанғаннан айғайлады.  
Келін өзі ауылға келіп тұрса,  
Ұлдарың осы жолы жай қалмайды.

Алла деп атқа мініп шабатын күн,  
Айтыстың бақ жұлдызын жағатын күн.  
Абылайлап айтысқа келген кезде,  
А, құдайлап тайпалап жүретін күн.  
Томағам сыпрылды топқа түсіп,  
Қиядан қызыл тұлкі ілетін күн.  
Сақпен ғұнның үрпағы болғаннан соң,  
Сауытқа жебе тілді жыр бекіндім.  
Барымызды ақтарып қалайықшы,  
Қарасөзді таспалап тілетін күн.  
Ассалау мағалейкүм, ақсақалдар,  
Берекелді деп айтып, құлетін күн.  
Ақ жаулықты әжелер аманбысың,  
Текті жырға құлағын түретін күн.  
Жалын жұтқан жігіттер аманбысың,  
Орындықта өмірді сүретін күн.  
Қыылған аруларым армысындар,  
Жиылған осы айтысқа міндеті мың.  
Қызылжар, Есіл аққан еліміздің,  
Сұлулығын сезіндім суретіңің.  
Әр қазақпен амандастып жатырмын мен,  
Бар қазақтың қадірін білетін күн.

Желтоқсанның желінде,  
Қазағымның жерінде.  
Алматының төрінде,  
Ұл-қыздарың ұран сап,  
Жанғырықты көгінде.  
Қайсар бабам үрпағы,  
Тайсалмаған шебінде.  
Қазақтықты сақтаған,  
Азаттықты аңсаған.  
Жасынменнен көрің де.  
Бөлтірігі арланың,  
Қайта келді-ау өмірге.  
Семсер сүйіп, серіт беріп,  
Ұлтым үшін кектеніп.  
Ие болған сенімге,  
Рухыңмен ойнаған,

Ауыздығын шайнаған.  
Тоталитарлық тор қоғам,  
Намысыңды қорлаған.  
Қаралайым халықты,  
Темір торға тоғытты.  
Қайрат пенен Ерболдар,  
Мұзда алау боп жанғандар.  
Жігер беріп сезімге,  
Сәбира мен Ләzzат,  
Шегіпті ғой шын азап.  
Құлдық ұрып әмірге,  
Тайсалмаған қазағым,  
Содырлардың шебінде.

Желдіртіп біраз жерге жетіппін ғой,  
Отты жырды жүрекке бекіттім ғой.  
Отан анам болғасын көп сөйлемдім,  
Шекараның шебін бұзіп етіппін ғой.  
Желтоқсанның жел жырын айтамын деп,  
Нұргулді мен ұмытып кетіппін ғой.

### НҰРГҮЛ:

Жолығады деп кім маған,  
Ойланып едім түнімен.  
Екеуміз бірге шықтық қой,  
Соңғы түйенің жүгімен.  
Ұмытып кеттім дейсің бе,  
Есің ауған ғой шынымен.  
Жіберейін мен жалғап,  
Бабалардың жырымен.  
Мақтауымды асырдың,  
Мұныңда қалай бөгелем.  
Тамағыңыз қырылдап,  
Дауысыңыз сырыйлдап.  
Шегіріткедей шырылдап,  
Мазамды алып кеттің ғой,  
Сол құлағымның тубінен.

Бисмилла сөзді бастадым,  
Қағидасымен ғұрыптың.  
Қызылжар елі аман ба,  
Тұмасындей тұнықтың.  
Анасы болды арда елім,  
Сәкен серідей ұлықтың.  
Ахметжандай ұл тапқан,

Біртуары ұлықтың.  
Тұғыр тұтып жырынды,  
Айтысыңа бүгіңгі,  
Желдей есіп мен келдім,  
Тұлпарын мініп үміттің.  
Береке тапқан жырынан,  
Көкке қарап ұлыған.  
Айтысқа келген армысың,  
Ұрпақтары көк түріктің.

Сіңлісі болып Сараның,  
Айтыста талай терледім.  
Тындаған жүрттытаң қылыш,  
Томирис болып әрлермін.  
Қарсы келгенге Тұмардың,  
Жебесі болып тәнгенмін.  
Сендей талай жігіттің,  
Әуселесін бергенмін.  
Шолпысындаі бол Тогжанның,  
Жолымды Алла онғарғын.  
Әйгерімнің әні бол,  
Алдында талай тербелдім.  
Бозторғайдай шырылдап,  
Жұртым үшін сенделдім.  
Намысымды Алла құлатпай,  
Тас үстіндегі лақтай,  
Сіздерге елім сенгенмін.  
Іітіп кетем жырыма,  
Құшағынды аш қызыңа,  
Балапандай алдыңа,  
Ұямнан ұшып мен келдім.

Мен былтыр келген кездері,  
Аманжол айтқан наз маған.  
Жұмабек, Жарқын ұлдарың,  
Көніл білдірген аздаған.  
Қызылорданың қызы едім,  
Әдеп ибадан озбаған.  
Алдыма келді бойдақтар,  
Жүрек қылдарын қозғаған.  
Сүйемін деп сол жандар,  
Сөздерінен танбаган.  
Қыз көрмегендей Қызылжар,  
Қырылыш қала жаздаған.

Найза кірпік деп алып,  
Сөздерін отыр сездіріп.  
Көктемдей жайнап отырсам,  
Танытпағасызың күз қылық.  
Келіндерің дейд ігой,  
Көнілімді бұл мұз қылып.  
Келіспеймін мен ешқашан,  
Жалынсандарда жұз жігіт.  
Артық кетсең Аманжол,  
Аламын майдай шыжғырып.  
Қызылжарда Аманжол,  
Қалған-ау, сірә қыз құрып.

### **АМАНЖОЛ:**

Нұргұл-ау, қайдағыны ойлайсың да,  
Ондайыңды қыз қылық қоймайсың ба.  
Мен ұмытпаймын ел алдында,  
Арасында қырындал қоймайсың ба.

Жанымда жайғастың ғой жаққан шамдай,  
Сені көріп жүрегім от болғандай.  
Қызылпорда қызғалдағы, ағайындар,  
Қызылжар айдынына кеп қонғандай.  
Нұргұлжан қызысың ғой сен ананың,  
Қабагыңды ашық қыл қатты ойланбай.  
Жарқынның сақинасын зорға тақтың,  
Бұл қызың жұлдызына сақ болғандай.  
Содан кейін сен маған жолықтың ғой,  
Сөз сейлейін қылышқа сап болғандай.  
Жеті жылда жігітпен айтысып ем,  
Бүгін міне сәрсенбіде сәт болғандай.  
Содан бері білесің бойдақ жүрмін,  
Жаратқан жалғыз күнде жақ болғандай.  
Қызылжар саған ұнап қалған екен,  
Келе бердің бірдемен қап қойғандай.  
Махаббаттың шахматын ойнайыншы,  
Жүрегіңе өлеңмен мат қойғандай.  
Ара-тұра тесіліп қарайсың ғой,  
Алдыңдағы кесені ап қойғандай.  
Сені бүгін мына маған жұптапты ғой,  
Айтқан серті арудың дат болғандай.  
Қызылпорда тұлкісін түсіреміз,  
Қызылжарда құрулы қақпан бардай.

Бұл Нұргұл аққу әнін өрлетеңі,  
Қонбаймын деп қояды көлге тағы.  
Аталар мен апалар бата берет,  
Көнетінің белгілі сенде тегі.  
Айтыстаң соң Нұргулді алып қашам,  
Айтып қойған жән шығар елге тегі.  
Әлібек досым беташар айтады ғой,  
Құрмет те әніменен тербетеді.  
Аманжолдың адап жары бола қалсан,  
Ұл туса ақын ұл бол ержетеді.  
Қос ақыннан жас ақын туа қалса,  
Қызылжарды әнімен тербетеді.  
Жүргегің тас емес қой Нұргұл жаным,  
Арасында күле салсан ңең кетеді?

Түсіп рас жатырмын батыл сынға,  
Дайындықсыз түспеу керек ақын сынға.  
Сырқаттанып тұрсаң да шыбыт келер,  
Нұргулжан, сен бақылап отырың ба?  
Мен бүгін шоқ боламын, от боламын,  
Өзіндей арулармен мақтанамын.  
Асықпа біраздан соң айтыс бітер,  
Кекшетауга жібермей ап қаламын.

### НҰРГҮЛ:

Алып қаламын деп Аманжол,  
Сөздерін қалай бұлдайды.  
Жеті жылда жанбады деп,  
Төндірме басқа құр қайғы.  
Жеті жыл айтыспадым деп,  
Шымшылай берме шымбайды.  
Жеті жыл қызы көрмеген Аманжол,  
Ақтарып кетем бұл жайды.  
Жеті жылда сынбаса,  
Жеті минутта сынбайды.

Азаттық ұлы байлығым,  
Алтыннан қымбат бағасы.  
Азаттық деген бабалар,  
Тарихыма бір қараши.  
Қанша рет қанға бойалды,  
Халқымның дархан даласы.  
Он алтыда ұлтымның,  
Қарсылық қылған шарасы.  
Махембет пен Исатай,

Жүректерінің жарасы.  
Отыз сегізде ұлттымның,  
Зиялыштарын жүрттымның,  
Діншіл менен ұлттыл деп,  
Жазықсыз жапқан жаласы.  
Сексен алтының бораны,  
Алматының алаңы.  
Ләzzат пенен Ерболдың,  
Қарсылық қылған шаrasы.  
Тұғырлы төуелсіздікке,  
Алып келгенде жол осы.  
Алла тәубе ал бүгін,  
Азаттық шашты таң нұрын.  
Тіл қатып тұр ғой алдында,  
Тәуелсіз елдің баласы.

Әзілдесіп отырмыз,  
Ақын болып біз жүргесін.  
Қарсыласымсың жай ғана,  
Емес ең менің күндесім.  
Келін қылам деп Аманжол,  
Алып қаламын деп үндесін.  
Жар қыламын деп Аманжол,  
Кетіп қалмасын шын десің.  
Жігітім отыр бұз залда,  
Айтыс болад деп кіргесін.  
Ізіме еріп жүреді,  
Әзіндей бойдақ жігіттің,  
Қырындаитынын білгесін.  
Айтпақшы ол полиция,  
Артық сейлеп Нұргұлге,  
Айналайын Аманжол,  
Паналап жүрме байқағын,  
Кекшетаудың түрмесін.  
Сөз айтамын бұл күнде,  
Қатты айттып қойып Нұргұлге,  
Жердегі екі аяғын,  
Аспаннан келіп жүрмесін,

## **АМАНЖОЛ:**

Нұргулім тамаша ғып жыр құрады,  
Бұтақтан естілгендей бұлбұл әні.  
Жігітің көп ішінде көрінбейді,  
Біреулер көзін қысып шыңғырады.  
Жеті жыл мен дайындалып жүрген едім,  
Қақпаның енді Аманжол шын құрады.  
Жеті минут Нұргулжан көп емес пе,  
Аманжол жеті секунтта сындырады.

Нұргул-ау, ол жігітің жарамайды,  
Бағаламай отыр ма қарағайды.  
Махаббатың, пәктіктің белгісі ғой,  
Оған енді шатастырма арам ойды.  
Талай қазақ жаным-ау, біле білсең,  
Тұрме түгіл қапасқа қамамайды.

Ау, Нұргул, көздегенім сен ғанасың,  
Текпілеп сахнаны шамданасың.  
Жылы сез айтқандарды жолатпасан,  
Түбінде сен жігіттерге зарығасың.  
Одан да ақкуы бол бір отаудың,  
Сонда ғана көбейіп ел боласың.  
Шал ақынға барғанда қыз сұрағам,  
Ішіндең көздегенім сен ғанасың.  
Кекшетауға артыңнан барған едім,  
Өкіндім ғой жұптап маган салмағасын.  
Үшінші рет жолықтам бір өзіңмен,  
Жаратқан Жаппар ием қолдағасын.  
Айбынды сез сөйлейік ел алдында,  
Айласына Аманжолдың алданасың.  
Айбыны махаббаттың жалыны ғой,  
Шыдамай сахнада за рқагасың.  
Ағайын, қазір Нұргул сыйып қалад.  
Той жасауға Дәстен аға қамданасың.  
Жеті жыл деп мен сертті берген едім,  
Тауып берді Жаратқан арба басын.  
Енді бүгін үйленемін өзіңменен,  
Тоса-тоса тағатым қалмағасын.  
Нұргул-ау, қызық екен қылыштарың,  
Ұмытпа мойыннанда құрық барын.  
Жігітің мықты болса шығып келсін,  
Бірге-бір бар екенін ұмытпағын.

Ол өзі Аманжолды біліп отыр,  
Заңын қарап бүл жайды ұғып отыр.  
Сондықтан бүл жігітке сене берме,  
Шыға алмай ел ішінде бұғып отыр.

**НҰРГУЛ:**

Кешегі Сара апамның,  
Әуеніменен жырлаймын.  
Алып қаламын деп болмайды,  
Болмайын сенің құр қайғың.  
Жеті жылдай айтысқан,  
Көп екен сенің мұн-қайғың.  
Жеті секунд дейді ғой,  
Бұлақтай болып ақсаң да,  
Түспеймін сендік қақпанға.  
Жетпіс жыл зарлап жатсанда,  
Сынбаймын болды, сынбаймын.

**Ағайын осы айтыста кетпесе екен,  
Той бүлдіріп кетпесін мақтаған қыз**